



## 07 – Op fietse

C

'k trap de fietse deur 't buulzand hen  
op 'n zandpad tussen Slien en Erm  
en as ik dalijk eben in Diphooorn ben dan fiets ik deur.  
Langs Ermerzand goa'k op Veenoord an  
Neij Amsterdam en dan langs 't Dommerskanaal  
en as ik dan de kassen zie dan fiets ik deur.  
Want ik wul aal wieder ik wul alles zien  
de leste mooie dag van 't joar misschien  
alhoewel 't met de winterdag ok donders mooi kan wezen  
ik wul aal wieder deur noar Weiteveen  
want achter op 't veld daar ma 'k graag wezen  
a'k hier zo fietse en 't weijt nie slim dan giet 't haost vanzölf.

Wie döt mij wat, wie döt mij wat  
wie döt mij wat vandage  
'k heb de banden vol met wind  
nee ik heb ja niks te klagen  
wie döt mij wat, wie döt mij wat  
wie döt mij wat vandage  
'k zol haost zeggen, jao het mag wel zo.

Trap de fietse deur 't buulzand hen  
op 'n zandpad langs de Duutse grens  
ik denk da'k dalijk even kieken gao in't buutenland  
de gruppe over, op naor Schöningsdorf  
ik stao eben te kieken bij'n iemenkölf  
en ik stao hier even te denken wat za'k nou doen links of recht deur.  
Want ik wul aal wieder nog naor Hebelmeer  
'n kaorte he'k nie neudig want ik ken 't hier  
want a'k daar dalijk over 'n slootie gao dan ben'k weer terug in Nederland  
ik wul aal weer wieder nog naor Barger-Compas  
naor Klazienaveen-Noord en 't Oostersebos  
a'k hier zo fietse en 't weijt nie slim dan giet 't haost vanzölf.

Refrein

'k Gao nou over Barger-Oosterveld  
over 't schoelpattie kort daar bij de Honeywell  
en dan recht deur tot de brugge van Oranjedorp  
'n stukkje Bladderswieke en dan de Herendiek  
en a'k pastoorse bos en de toren zie  
dan fiets ik deur want 't weijt nie slim 't giet vandaag vanzölf.

Refrein